

# TI NALAWAG A PLANO TI DIOS MAIPAPAN ITI PANNACAISALACAN

**Gayyemco:** Salsaludsudec kenca ti cangronaan unay a saludsud maipapan iti biag. Ti ragsacmo wenna ti ladingitmo a maipaay iti amin a **kinaagnanayon** maibatay itoy. Ti saludsud isu ti: **Naisalacanca?** Saan a no camcamengca iti maysa nga Iglesia, ngem, **Naisalacanca?** Saan a no casano ti kinaimbagmo, ngem, **Naisalacanca?** Awan ti tao a macaricna cadagiti bendicion ti Dios wenna macapan sadi Langit no saan a naisalacan. Ni Jesus kinunana ken ni Nicodemo iti Juan 3:7, **“Masapul cadacayo ti mayanac a mabaliwan.”** Ti Dios itedna cadatayo iti Saona ti MAYMAYSA LA UNAY a plano ti Pannacaisalacan. Ti plano isu ti nalawag, mabalinmo ti maisalacan ita nga aldaw.

Umona, gayyemco, masapul a bigbigem a maysaca a managbasol.

Rom. 3:10–**“Awan ti nalinteg, uray maysa.”**

Rom. 3:22,23–**“Ta awan ti pagdudumaan: ta Isuda amin nagbasolda ket agcurangda iti dayag ti Dios.”**

Awan ti gundawaymo a maisalacan malacsid no bigbigem a sica maysaca a managbasol.

Agsipud ta maysaca a managbasol naipatoca ken ni patay.

Rom. 6:23–**“Ta dagiti supapac ti basol isu ni patay.”**

San. 1:15–**“Ket ti basol, yanacna ti ipapatay.”**

Daytoy cayatna a saoen ti pannacaisina it Dios IDIAY INFIERNO, ITI AGNANAYON. Anian a nacabutbuteng! Wen, gayyemco, ngem isu ti pudno. Ngem ti Dios inayatnaca unay, nga intedna ti Anacna a Bugbugtong, a ni Jesu-Cristo, cas sandim, a nangawit iti basolmo, ken natay a gapu kenca.

2 Cor. 5:21–**“Inaramidna (ni Jesus)**

**a basol gapu cadatayo, tapno macapagbalintayo a kinalinteg ti Dios gapu kencuana.”**

1 Ped. 2:24–**“Isu met laeng a nangawit cadagiti basbasoltayo iti bagina iti rabaw di cayo, tapno idinto a nataytayo cadagiti basbasol, agbiagtayo a maipaay iti kinalinteg: gapu cadagiti sugugatna maagasantayo.”**

Itan saantay a maawatan no casano ti pannacaipaawit dagiti basbasoltayo ken Jesus, ngem ti Dios cunana iti SAONA a naaramid a casta. **Iti casta ti basolmo**, gayyemco, naipaawit ken Jesus ket **isu natay a gapu kenca**. Isu ti pudno. Ti Dios dina mabalin ti agulbod.

Daydi agbanbantay iti pagbaludan a taga Filipos sinaludsudna cada Pablo ken Silas: **“Ania ti rebbengco nga aramiden tapno maisalacanca?”**

Ara. 16:31–**“Ket kinunada: Mamatica ken Apo Jesu-Cristo, ket maisalacancanto, sica ken ti balaymo.”**

Mamatica laeng Kencuana nga Isu ti nangawit iti **basolmo** ken **natay a gapu kenca**. Itan umawagca **kencuana**.

Rom. 10:13–**“Ta Siasinoman nga umawagto iti nagan ti Apo, maisalacanto.”**

Ti umona a cararag a dawaten ti maysa a managbasol naited iti Luc. 18:13–**“Dios, mangngaasica caniac a managbasol.”** Ita sica ti maysa a managbasol ket pudno a maladingitanca gapu iti kinapudnona a casta. **Itattan**, uray sadinoman nga ayanmo itangadmo ta pusom iti Dios iti panagcararag. Saan a masapul ti atiddug ken napigsa a cararag, ta ti Dios **sitarigagay** a mangisalacan kenca. Cunaem laeng: O Dios, maysaac a managbasol ket maladingitanac, Mangngaasica caniac, ket isalacannac a gapu ken Jesus. Itan **awatem** cas iti Saona.

Rom. 10:13–**“Ta siasinoman (iti dayta nairamanca) nga umawagto iti nagan ti Apo, maisalacanto (maisalacanto, saan a maisalacanto ngata, wenna mabalin a maisalacanto, ngem) maisalacanto.”**

Patiem ti Dios cas iti Saona. Inton naaramidmon ti tinarigagayanna, **sapulem ti pannacaisalacan gapu iti pammati**, cas mayannugot iti Saona. **Mamatica ket maisalacancanto.**

Awan ti Iglesia, awan ti logia, awan ti naimbag nga aramid, **awan no di laeng ni Jesus ti macaisalacan kenca.**

Ti nalawag a plano ti pannacaisalacan isu ti: **Sica maysaca a managbasol**; ket agsipud ta maysaca a managbasol sica **masapul a matayca** wenna mamatica ken Cristo isu a **sandim** ket natay a **gapu kenca**. Umawagca laeng **Kencuana**, a **bigbigem** a maysaca a managbasol ket dawatem Kencuana a caasiannaca ken isalacannaca a gapu **ken Jesus**. Iti casta Isu **awatem cas iti Saona ket babaen ti pammati sapulem ti pannacaisalacan**. Cunaem, “Pudno a saan laeng a dayta ti masapul nga aramiden a pacaisalacanan.” Saanman, dayta laeng, awan ti sabali. Pagyamanan iti Dios ta adu ti nayeg ken Cristo gapu iti daytoy nalawag a plano. Isu ti **cas mayallubog iti Surat**. **Isu ti plano ti Dios**. Gayyemco, **patiem ket surutem ita nga aldaw**. Ita isu ti tiempo–Ita isu ti aldaw.

2 Cor. 6:2–“**Adtoy, ita isu ti tiempo a maiparbeng; adtoy, ita isu ti aldaw ti pannacaisalacan.**”

Prov. 27:1–“**Dica pagpasindayaw ti aldaw no bigat; ta dica ammo ti mapagteng iti maysa nga aldaw.**”

No saanpay la a nalawag, ulitem nga **uliten a basaen** aginggana a maawatam. Saanmo nga idisso daytoy a folleto aginggana a maawatam. Ta cararuam napatpateg ngem iti amin a lubong.

Mar. 8:36,37–“**Ta ania ti magungona ti tao, no maalananto ti amin a lubong ket mapucawnanto ti cararuana? wenna ania ti itedto ti tao a sucat ti cararu?**”

**Kitaem no pudno a naisalacanca. Masapulmo ti pannacaisalacan a nangnangrona ngem iti amin a banag. No mapucawmo to cararuam dica macapan sadi langit ket mapucawmo amin. Ti Dios tulungannaca coma tapno maisalacanca ita nga aldaw.**

Isalacannacanto ken casta met nga **igaganacanto**.

1 Cor. 10:13–“**Saan nga immay cadacayo ti uray ania a pannacasulisog a di met simro cadagiti isuamin a tattao: ngem ti Dios mapagtalcan isu a dinto mangipalubos a masulisogcayo iti aglabes iti mabalinanyo; no di ket maigiddanto iti pannacasulisog, isaganananto met ti dalan a paglisian, tapno mabalinyo a pagballigian.**”

**Dica agtalec ita ricnam. Isuda ti agbalbaliw. Agtacderca cadagiti carcari ti Dios. Isuda ni caanoman dida agbalbaliw.**

**Calpasan ti pannacaisalacanco adda tallo a banag a rebbengmo nga aramiden iti inaldaw a maipaay iti irarang-aymo a naespirituan:**

**Agcararagca–Makisaoca iti Dios. Basaem ti Bibliam–Ti Dios makisao kenca. Agbalinca a sacsi–Agsaoca a maigapu iti Dios.**

Mat. 10:32–“**Tunggal maysa ngarud a mangipaduyacyac caniac iti sangoanan dagiti tao, isu ipaduyacyacconto met iti sangoanan ni Amac nga adda sadi langit.**”